



05059

春星草堂詩稿卷三

海鹽 吳 照 太序

雜感

驚風飄日過東隅萬事無端動鬱紆
笑見猶鸞授枳棘
休誇鳩鷄起於榆短衣射虎從吾好
挾策亡羊笑爾愚
雌伏雄飛知已定田園歸去足嬉娛

采采南陔蘭蕙秋側身東望迥含憂
本緣負米供偕隱
翻遣分裾賦遠遊芳草三春難駐日
白雲萬疊獨登樓
懸知風雨高堂夕黃髮青燈相對愁

羈魂一片鎖荒烟夢繞湖山更惘然
流恨他年封馬鬣
傷心此日薦豚肩貧如季路財難稱
衰到邛吾命欲捐

春星草堂詩稿卷三

漫道五車留手澤只今無淚哭重泉

山重水複赴城南萬樹連雲蔽一庵
自昔生徒隨董遇
於今蘭菊剝羅含春風入座琴俱歇
歧路迴車酒半酣
往事淒涼問遺跡寒烟空護讀書龕

月旦千秋絕賞音驂騑一顧刻關心
豈城黯澹愁看劍
滄海空濛聽鼓琴不分芝蘭虛灌漑
偏教桃李獨橫襟
賢豪賤日寧珠衆羞對春風淚滿襟

岑寂行藏總繫袍壯年心事等閒拋
左徒自欲勞天問
楊子何能解客嘲北關風雲迎劍珮
南山松菊擁衡茅
卽看窮達愁同盡裘馬清狂憶故交

卽事

行行出城隅一望一却步空墟日澹泊烏鴉飛無數飢
民掘草根匍匐滿道路東家鬻妻孥西家掘墳墓兒女
出門啼耶孃不相顧前村何喧喧里胥詈且怒爾民死
則已誰汝償租賦

四山何濯濯風起木葉飛虎來不得藏白晝觸人扉居
民奔竄盡空室無人歸羊豕久不蓄狐兔亦已稀吃嗜
無所獲想虎亦苦飢人肉非不甘膚革恐不肥虎飢且
食人人飢安所希

傷大樹

君不見千尋材不生深谷中而乃臨大路路旁樵採無
時休一朝頓捐棟梁具斧以斯之析作薪百年根株化

春暈草堂詩稿卷三

二

為塵厨娘竈妾笑且棄火然那及雀葦易

遊湖上諸山

憑高開望眼萬頃水連天歷歷帆檣動茫茫島嶼聯揚
波今不害破浪志常懸浩蕩憐鷗鳥江湖任汴沿
一逕入叢樹沿溪有數家板橋漁艇擊茅屋酒帘斜宿
雨綻梅子和風開棟花林間遙野老小立話桑麻
仄景明山殿松風起夕吟諸天空色相惟夏劉蕭森禎
石解禪意流泉清道心僧家無世事半偈老雲岑
振衣凌絕壁濯足俯清流到處皆堪樂吾生可自由飛
揚千里志牢落百年愁莽莽楊朱路樊籠悔昨投

自嘆

支離誰數可憐蟲
衲舌方心百未工
底事生涯拋不得
流年強半壁光中
食糞衣贖陋巷間
此生三上不曾聞
憑誰喚醒篝燈夢
臧穀亡羊總一般

贈王生

貧賤易相憐
羈旅易相識
不速之客來
過我方日晏
問客名家子
何事別鄉國
江湖無坦途
艱險恐不測
飛蓬逐狂飈
滾滾去安極
隆冬天地閉
萬物方休息
勿嫌酒味薄
可以潤顏色
勿嫌交情新
可以寫胸臆
蓬勃塵埃中
青眼難再得
明發掛征帆
相望空相憶

再投王生

春暈堂詩稿卷三

三

對酒悵不御
悄然懷所思
起覘天色暮
數數候荆扉
相對愛一何
早相逢一何遲
愧非平生親
傾蓋還相依
秉燭話更闌
輒恐東方晡
悲喜難具陳
所愧拙言辭
典冠乃獲罪
投珠反見疑
寸心自較然
君懷詎不知

旅雁

朔風吹旅雁
幾日度江南
到此渾無賴
淹留更不堪
巖霜摧落木
殘月照寒潭
愁汝鄉關遠
替替帶兩三

謁沈方菴業師志乾時師自粵歸

屈指追隨日
關心二十年
今朝趨絳帳
卜夜復華筵
感慨談行跡
艱難悔俗緣
生涯初入暮
岐路遂揚鞭
夜渡榕溪月
晨衝梅嶺烟
星霜顏欲改
孤矢志長懸
弟子尤

無藉窮途亦可憐。一經過歲月四術負陶甄。失喜還重
侍離愁。暫舍旃切脯。承逮賤。捉塵久忘眠。浩蕩春風裏。
飛揚短燭前。高歌待明發。悵各山川。

詠齋中竹

問我橫琴處。蒼筤竹數竿。人間塵不到。風日總清寒。細
幹抽花送。輕陰偃石闌。紫扉宵未掩。恐有子猷看。

和心公絕句

誦法誰從高座升。行人空自說傳燈。春來剩有梅花月
曾照當年入定僧。

門掩寒岩落葉聲。蒲團趺坐息羣情。粥魚茶板匆匆過
下界風花又幾更。

春星草堂詩稿卷三

寄朱秋陽

一自王孫去不還。頻年猿鳥怨深山。故人風雨仍懸榻
滿徑蓬蒿獨掩關。路遠燕臺傷馬骨。月明烏桕夢刀環。
江南冀北無消息。踏踏空知兩鬢斑。

飄零琴劍欲何依。况復家鄉萬事非。霜露春寒梧捲在
郊原秋曠鶴鷄稀。更無同氣當生別。翻羨殊方可息機。
此帖從今休陟望。天涯誰倚舊荆扉。

賴程九見過賦詩勸之歸

賴君磊落士。高懷薄雲烟。讀書無他能。三十猶飢寒。竭
來遊吳越。攬勝遍溪山。思親時作歌。才調頗翩翩。奈何
喪資斧。復為沈疴纏。回首望故鄉。白雲亘長天。妻子日

夜啼有母眼已穿。撫膺一長慟。淚下不能乾。嗟嗟百君子。舉手胡獨難。桑下有靈輶。蘆中有伍員。行路自古難。君今猶未知。天寒日欲暮。掉頭更何之。北風利如刀。慘慘割人肌。愁陰結窮冬。四望浩無涯。深谷鳴虎豹。惡浪蟠蛟螭。微軀不自憐。晨昏為阿誰。螫蟲方墮戶。倦鳥返故枝。嗟爾遠行人。胡不做裝歸。我有一樽酒。將以遺所思。願子少安坐。請得畢其詞。

嗟余本恨人。對子言彌長。欲訶不成報。心如刀劍傷。早年痛罔極。菽水不遑將。聞子有母在。胡為棄家鄉。顯揚空有心。春暉安可常。無衣擁敗絮。無食饜糟糠。男兒不自謀。乃以累高堂。落花隨飄風。忽隨海路旁。達人悟宿

春星草堂詩稿卷三

五

命君子慎行藏。庶徃共飢渴。及此桑榆光。

激浦水利詩上韓明府本晉即送其行

昊天子天子。天子子萬方。一夫無不獲。四海其平康。嗚呼百年來。閩澤何熾沃。豪右盡斂跡。頑彥爭騰矚。一時賢有司。報最都循良。恭惟我韓侯。聲華重珪璋。仰體痼瘼懷。作牧來江鄉。治績邁等倫。蠶管詎能量。不辭掛一漏。願將仁風揚。激浦最爾邑。人烟莽蒼涼。置鎮肇宗元。迄明制更詳。洪武寔經野。增埤兼浚隍。稍稍成聚落。安堵無流亡。厥土多斥鹵。厥賦雜農高。厥田但中下。厥業惟耕桑。遠近十萬家。生齒漸蕃昌。願惟窮僻地。局蹙域并疆。高阜絕下流。不能通舟航。掘濠不及遠。灌溉安可

常地利無憑依。况堪恒雨暘。惟西永安湖。宛在山中央。
泗泗兩銀盤。水發亦汪洋。其利足菱芡。其產僅鱖鱣。其
稅視民田。分派輸神倉。三千七百畝。其深可褰裳。天
蘊隆鄴土。塊堅如鋼連。村窟郊原兒。女逐耶孃。碌碌翻
枯槁。汲水紛搶攘。自湖達溝渠。分派給我秧。洩患蟻穴
潰。蓄較蹄沓強。挹彼涓滴波。珍逾甘露漿。憶昔宋嘉祐
李令惟義號慈祥。下車度流泉。涯涘窮徜徉。直視西北流。
謂宜增隄防。就下易潰決。勢不容濫觴。一勺涸可待。何
况流湯湯。西置孫家堰。經營備親嘗。東設張老閘。導流
達女牆。匪翅啓閉便。兼息泛溢狂。沔彼小西湖。湖水湧
浪浪。東南環大海。萬里通帆樯。秦駐對泊櫓。兩山屹相

春星草堂詩稿卷三

六

望。週遮圍沃野。綺錯屬村庄。春夏劄麩麥。秋冬收稻粱。
生聚六百年。早澇不能戕。一蓄與一洩。定制載縹緗。披
讀常蒙董毅志。明德烏可忘。我朝文勤公。經綸資動
勳。下以活編氓。上以輔聖王。帝念股肱勞。思榮無頡
頄。歸葬太夫人。及身謀之臧。宅兆卜茲土。面水背崇崗。
高墳繚周垣。左右森松篁。彈指不數年。旋遭元老喪。巍
巍峙兩塋。規模迥堂皇。綸緯煥天題。碑版燦琳琅。華
表挿雲霓。石甍儼分行。突兀鎮平原。四顧浩蒼茫。原公
匪躬意。盡瘁猶不遑。生死邀隆恩。寵至加悚惶。磊落大
臣胸。日月爭光色。不屑計身家。矧乃惑陰陽。但取不食
地。安厝欲其藏。平生謹愨風。史冊流芬芳。豈知狐鼠輩。

憑依赫奕光。瑣瑣姻婭餘。自誇王謝郎。公然涉吾地。豪
橫莫敢元。輿臺假其威。吐氣如虎狼。挽水決諸西。堰閘
互更張。陂池所灌注。一朝絕其吭。笑謂里中人。勿效當
車螻。往愬逢彼怒。驚傳走且僵。遂令萬頃田。空長稗與
穉。當今盛明世。協和邁陶唐。世祿克由禮。惕息遵紀綱。
詎乏高明家。豈類汝披猖。直以天鑑遠。僻壤容跳梁。籲
天天不聞。吞聲淚盈眶。泉脈既斷絕。時雨不足償。不見
青青苗。但見塵埃黃。湖中何所有。衰草間枯楊。湖上何
所有。樵牧喧迴塘。農夫懸其耜。蚕婦休提筐。無知羨萇
楚。鮮飽悲牂羊。非不驚妻孥。莫救眼前瘡。朝採油灼灼。
暮採豬殃殃。草根雜樹皮。春榆充餼糧。連年菜色民。貪
咽糟與糠。君着翰官無。安問盈倉箱。乾隆戊子秋黔首
愈傍徨。萬死求一生。哀怨迫中腸。痛極各奮身。老稚勉
扶將。詢謀惟僉同。荷畚負橐囊。東西仍奮貫。通塞兩不
妨。相慶受厥明。從此樂穰穰。衆心凜餘悸。匍匐伏公堂。
稟侯侯曰可。復古職所當。爾曹其無恐。善策本救荒。士
民氣百倍。歡聲騰兩廊。詎料狡獪徒。刀筆鼓如簧。舞文
改邑志。罔上侮。王章官府那在眼。妄將帑建撫。坐以
大罪名。文致思中傷。哀哉鄙屋民。何路叩穹蒼。挾勢陷
無辜。覆盆何由彰。惟侯燭其隱。疾惡甚探湯。英敏折彊
禦。不柔亦不剛。若輩心膽寒。喪精走踉蹌。大澤在生民。
厥功誠焯焯。為侯誦樂只。聽者俱激昂。瀕海百萬戶。

戶懷甘棠。胡為拂衣去。飄飄俶行裝。侯非百里才。暫蹶
終高翔。衣冠惜侯去。奔走傾堂庠。市井惜侯去。問訊塞
兩坊。父老望侯來。祈請日焚香。兒童望侯來。竹馬待路
旁。侯來一何著。侯去一何忙。激之山峩峩。激之水洋洋。
侯德孰與偕。山高而水長。

太守來

頌嘉興府李公允升

陰風颯颯起。叢薄猛虎晝行鬼。夜哭山村十家九。空屋
太守來。車輾輾。猛虎走向林間伏。太守奉。上命來撫
我百姓。汝何者物。而來作橫。我有太守真。仁聖強子毒
矢。請聽令猛虎。搖尾空乞憐。杲杲烈日中天懸。

青天開

頌杭嘉湖道寧公舞烈

春星草堂詩稿卷三

青天開神君來。彌山填谷歡如雷。神君在何所。乃在湖
堤上。咳唾落兩湖。湖流何蕩漾。神君來。青天開神君去。
脩農具。君不見。青天萬里光。熊熊永安湖水。流向東。

病中

一卧無昏曉。不知秋已深。暗風驚落葉。冷雨咽啼禽。摧
折無生氣。飛騰未死心。微軀從勿藥。力疾試長吟。
之死曾何惜。翻愁未日難。一身判落窠。八口奈飢寒。農
圃非吾業。風霜逼歲闌。眼看垂白母。忍淚勸加餐。

與王生震

太息王生去。秋山落葉深。可憐風雨夜。誰與賦愁心。修
竹鳴清籟。寒蕉散碧陰。多情簷際月。依舊照虛林。

一聚忽三年依依未忍捐
自予常寂寞惟爾最纏綿
問字清樽夕吟詩白雪天
追隨如昨日惆悵各風烟

自海門寺歸

薄暝禪關外
平林萬籟秋
遠烟浮月上
空水帶雲流
寂梵音作星星
杌火收
老僧貪客話
歸路小淹留

寂寞

寂寞孤身在艱難
萬事空天教語物變
我敢怨途窮澗
草綠流碧山
花映日紅
年年桂之樹
搖落任秋風

題夏曉峯竹趣圖

斯人何為者
澹泊遺世慮
皎然秋竹間
蒹葭倚玉樹
意得遂忘言
日涉遂成趣
時與清風來
或共閒雲駐
清氣相往還
興會因之遇
物我豈必殊
意想無與蒼
蒼水石邊
落落坐卧處
真賞良罕儔
披圖起遐慕

春星草堂詩稿卷三

九

嗟予亦何有
有竹生我堂
朝聆竹間風
颼颼激清商
宵對竹間月
皎皎飛清光
空翠一相照
肺腑生微涼
唯君樂我樂
潑墨染叢篁
叩壑自謂過
何知屯李塲
懷抱斯焉託
筌蹄詎可忘
微吟此君前
懷哉天一方

宿海門寺

心公習靜處
門對小林坵
白地潔於洗
清齋涼若秋
身同山入定
道與水長流
欲叩無為理
終年狎海鷗
三宿曾無戀
孤清早絕羣
夢中渾未曉
醒後竟何聞
梵麈諸天樂
香蒸上界雲
恒沙一回首
生滅自糾紛

翠栢前朝植蒼茫直到今不隨凡木伍獨布廣庭陰骨
幹蟠清氣水霜鍊苦心懶充梁棟任安穩老祇林
淨土兩桐樹高空覆井幹早枝巢鸚鵡涼陰落蒲團孤
直奈天迥雙清拔地寒豈知棲鳳質岑寂在江干
白業蹉跎久青雲沮喪多浮生無住着一切定如何秘
雨鳴鐘磬春山長薜蘿那堪寥落夜清夢滿岩阿

示心公

雲散天逾碧泉鳴地更幽空蒼塵不到弄月萬山秋

湖堤

入山山忽合逕轉當水面一影落兩湖左右鬚眉見泉
石近明淨沙草遠葱蒨菡中盪烟青鏡裏嵐光變心恐

春星草堂詩稿卷三

十

經行盡目愁應接勦羨汎汎覓烟波沂泗徧

鹿山麓

借問山中人何年山中居一色但蒼翠焉知有屋廬側
聽機杼聲隱隱見村墟人家依陵谷高下巢窟如曲折
隨所遭緩步殊寬舒父老話桑麻兒童業樵漁客來且
勿訝遊歷此方初

合掌岩

陟險望猶賒層岩倏已及遠遮巨靈掌籠罩諸鬼爍土
揖筌衆峯峯峯拱而立谿研堂隍開滑澗霧露濕內空
容盤桓外窳礙出入嘆息一握中努力破拘執

雲岫

絳道凡九盤盤盤入空翠行疑上青天到忽履平地寬
廣開石林崔嵬鎮山寺犬吠碧陰來人隨白雲至老僧
道氣深卧佛苔痕漬汲泉滌煩襟閱藏了宿義憇息我
何求寥寥太古意

鷹窠頂

翻身向長空直上鷹窠顛烈風一振蕩雙屐挽不前左
摩九祀頂右拍萬蒼肩足底千萬峰瑣碎不足憐遠近
陰晴異高下崗阜聯越山渺一髮極目東南天回首昧
下界城邑紛鈎連孰云邛陵高流覽盡八埏俯仰局一
隅予懷空浩然

黃沙塢

春星草堂詩稿卷三

十一

仄逕通風雲陟絕不可俯直下大海流浩浩自萬古側
足躡危磴一步一粟股俄馮一境開世外得樂土家饒
塩泉井戶蕃橘柚圍雞犬相應鳴桑麻自成塢背環四
五峯牽連併作堵其陰殘雪留其陽雜花吐中央接海
角暗浪迴遠浦時有鳧鷖立點點明沙渚出陰力方疲
獨往志尚努徙倚不願還松間颯風雨

留別心公

此去風波行路難若為樽酒憶前歡天涯剩有海門月
一點清光對我寒

題壁

譎哭吾盧在艱難可自由宜因貧賤逼頓起別離愁拔

劉。跟。踰。去。題。詩。汗。漫。遊。他。時。松。菊。徑。蕭。瑟。為。誰。秋。

晚眺

今。我。來。思。梅。子。黃。薰。葭。楊。柳。滿。迴。塘。綠。陰。小。店。遙。攬。櫓。
細。雨。平。郊。見。種。秧。極。目。風。帆。歸。別。浦。關。心。花。鳥。屬。他。鄉。
何。人。更。美。高。樓。笛。嘹。唳。江。村。五。月。涼。

過馬鍊師

萬。綠。覆。矮。屋。沉。沉。一。徑。深。道。人。携。竹。榻。坦。腹。碧。梧。陰。白。
日。不。到。地。清。風。常。滿。林。猶。言。睡。未。足。亭。午。一。蟬。吟。

夜坐

淡。寒。夜。色。靜。林。栖。颯。沓。迴。風。散。竹。溪。短。笛。數。聲。人。不。見。
彎。彎。月。子。柳。塘。西。

春星草堂詩稿卷三

十一

悼朱樹屏邦垣

形骸會當朽。可歎隨磨滅。古來困窮士。幾人傳苦節。斯
人澹雅才卓卓。一時傑文章。在縕袍冠蓋。應面熱福憑。
庸人享名讓華士。竊遺稿。倘長存。餘望或未絕。未知千
載後。姓字有誰說。平生輕派輩。傾蓋獨愧切。意謂驟飛
騰。如何老摧折。宿草封夜臺。翹望心如結。

舟行枉道過胡茂栽文蔚

微生耽嘉遯。乃為衣食驅。朝來駕扁舟。偃卧隨所如。簸
蕩蘇四體。絡繹閱前途。涼颼洒我面。活水漾我軀。但覺
村墟換。不知運路紆。因念菱鄉子。意況近有無。願慰飢
渴懷。清言一起予。

返照耿茅茨依依四郊暮船尾別故人解維即前路輕
舟忽東西枉渚紛迴互遠見原上農荷鋤入林去晚漁
集溪烟涼月生野渡鱗鱗飛浦雲瑟瑟明水樹黯然旅
客懷落帆知何處

題沈抱曾秋林覓句照

孤懷已不堪秋色深如許佳期渺天末悵望關河阻岩
扁風葉墮花逐草蟲語日夕吟未安携琴久延佇

涉園

曠野闢異境山水平地生豈復誇池館居然評蓬瀛初
披花竹入紛見峯巒迎俄頃迷洞壑頓失天宇明乍從
石罅上仍在穴底行捫手嵐氣濕滿耳谷風鳴盤旋出
窳窳顧盼俯崢嶸攬潮驚浩蕩漱流愛澄清緩步捨故
道林栖爭弄聲相携渡畧約畢至憇軒楹孤亭曩衆有
沉日移羣情中央水涵碧四面峰削成詎羨金谷麗虛
想平泉名樂哉今茲遊四美庶合并

留別西泠友人

晨起意不悵駕言俶歸裝有美牽我衣問我適何方與
君為新知情好未及將謂同蛩與蟹乃類參與商此行
不可留此別安可忘甚欲淹茲土何忍斷故鄉蕭蕭驪
駒鳴矯矯哀鴻翔落葉逐飄風平林耿殘陽執手立斯
須含情久傍徨願子歛好懷勿令心神傷

落日起離憂朔風慘行色早知相別苦不如無相識憶

昨泛扁舟追歡湖山側君情固之餘我意正無極微逐
謂可頻但愁光景匿何期去情親頓欲異鄉國短棹急
逝流長飈厲歸翼憐彼目力窮恨此帆行亟遙知別後
夢多在武林北懷哉復何陳相期勗明德

歸家

阿誰驅我去今日棹歸舟一笑門終入相看淚已流
劬勞扶病出歡喜緩兒憂翻問他鄉日晨昏健飯不

有所思

渺渺秋江空自波芙蓉欲采奈愁何鳳皇有意諧烏鵲
松柏無緣附女蘿絕代不銷黃土恨高樓獨上碧雲多
才人廝養非今日腸斷東隣子夜歌

春晝書堂詩稿卷三

十四

懷惺仲叔

千林動地起商聲又是西風搖落情每到中年多感慨
况逢獨夜劇淒清烏鷺殘月空三匝雁斷寒雲各一程
聞道向平前約在懷君何日裹糧行

補壽方翼亭

却憶開筵到水亭荷花荷葉滿烟汀一生似爾真康樂
四座何人共醉醒海上鷗羣秋汎汎天邊雁影雨冥冥
他鄉愧我愆高會今日重煩倒玉瓶

錄別詞

有序

困衡交迫達者曠如耳目偶觸五內慘烈枯桑
知風瓶水知寒傷心處豈在大乎予奔走道途

風塵蹙蹙久以為常今聞癡女追號為之一慟
慨焉賦此

伊予誠命薄有子今則無雖有兩弱女長養非所湏阿
生年七歲隨母事辟纁阿玉二齡餘語音猶糝糊祖母
抱置膝玩弄以為娛向我誇聰慧謂是勝丈夫見我必
笑迎就我挽我鬚邀我摘花枝索食與姊俱今我將有
行別母母愉愉我行當即還慎旃亮無冀長者淚欲墮
幼者隨後趨不知我何適挽姬同追呼呼耶耶不應痛
哭倚戶樞我行為迴首迴首長嗟吁有母不遑將何惜
汝區區慨然即前路涕泗黯已濡

夜泊鴛湖

春星草堂詩稿卷三

十五

孤舟何處泊放寬有空洲近市聞津鼓開樽對柁樓斜
陽寒渚夕遠水亂帆秋竟日裴公島烟波伴客愁

烟雨樓

湖樓薄暮望處處棹聲野塔寒雲卻秋帆夕照明一
洲浮殿宇萬井擁江城來往斜塘路鷗鳥愧舊盟

期胡茂栽

五載中秋月都從異地看今年仍即次何處罄交歡小
艇青絲箬空江白玉盤期君三五夜把酒泛清寒

對雪

白雪之白猶白玉方珪圓璧者不足白雪之白猶白羽
鷺翎鶴翅隨風舉小窓竹石幽更妍積素高下互澄鮮

乍驚蕉葉折庭際却喜梅花破臘前歲寒風景差不惡
呼童沽酒且獨酌君不見袁安高卧無人過一生悠悠
奈爾何

春星草堂詩稿卷三終

陳基善穀也校

春星草堂詩稿卷三

十六

春星草堂詩稿卷四

海鹽 吳 熙 太沖

苦寒行

一歡令人少一憂令人老聽我歌苦寒顏色欲枯槁_{解一}
我履行雪中雪厚迹復滅北風吹兩袖血出膚盡裂_{解二}
朝亦復苦寒暮亦復苦寒松柏凍欲折蕙草何足言_{解三}
蟄虫槿其戶旅雁絕遺響人非蠕動物胡為常偃仰_{解四}
白日淡輝輝夕雲蔽崇崗出門涕泗下欲渡河無梁_{解五}
樽中有美酒有雞復有黍感子好人情念子非親故_{解六}

田園詩

曰余本農家穡事自幼諳雖曾讀詩書勉強非所耽今

春星草堂詩稿卷四

茲理舊業勵精治田蠶我行適南畝淶波正盈潭土膏
騰地氣萬象生意含迢草漸菲菲堤柳復穆臻嘗聞古
聖語天工非可貪薄言率亞旅盡驅室中男努力方自
芥毋貽鹵莽慙

凌舍無雜木手栽千株乘疇昔習懶惰灌漑久未嘗豆
根雜瓜蔓縱橫溷其旁嗟彼見小利令茲嘉植傷地力
豈有涯難為多欲償揮鋤芟蕪穢枝柯紛遠揚本大葉
亦茂采采動盈筐取予洵有宜貪者徒自荒

戶外棟花開園中桑影稀紮山向人鳴載止復載飛出
門逢鄰叟日暮賀絲歸苦言物力艱生計漸以微貧女
箔中繭富兒箱中衣辛苦未及休已上他人機詎忍後

日寒且恤今日饑何況不蚕者徒手安所希

路旁冶遊兒衣服美且鮮自矜富貴財耕作非所便問
以種種種瞋目久茫然伊昔乃祖父辛苦佃爾田伏身
海膝裏胼胝不自憐寸絲與粒米珍惜逾金錢豈不慕
奢侈本分百無愆逢人致恭敬鄉里稱其賢

季夏眾澗涸烈日經天紅時雨難可期且復勤田功老
農貪寸陰乘夜挈兒童連村桔槔敲叩啞明月中行歌
互唱答緣流起涼風水作白龍飛瞬息萬道通如珠綴
秧針萬點明空濛詰朝視隴畔當復還青蔥
旁午鋤瓜田轉輾愁力竭歸來茅簷下晚飯見新月涼
烟湛水木平野坐超忽怪汝風來遲不救曩者渴籬豆

春暈堂詩稿卷四

蔓秋陰娟娟附林樾月光射其間絡緯啼不歇隣翁亦
未眠相語隔牆闕宵深就匡床反側感筋骨

夕陽暖平疇出門豁遐矚長風自遠來吹彼萬畝綠混
漾如春波沉沉玩不足起行閱阡陌願盼還躑躅我苗
日以榮穡稼抽陸續去年好妨多翻由禾黍熟凡事慎
其微勿謂莫余毒分內則如此分外非所欲

十月農事終積稻高於屋午雞籬下鳴野雀田中啄物
我獲所須相戒勿驅逐凜凜歲欲闌蕭蕭風落木倉箱
既已足歡樂詎忍獨粉粢貽姻婭醴酒速邦族戒言早
輸官勿煩里胥瀆降康自有時屢豐未可卜聞道數州

荒流民滿川陸

自我學為農窮年泯心想興言適西疇野色遠明爽古
原少人行荷鋤見三兩我穀既以登我麥亦以長資生
無停機愧彼地力廣油雲南山來倏逐飄風往回念蘊
隆交翹首長悒怏昔者徒爾為今茲不復仰

同胡茂哉飲馬煉師萬綠山房

一逕入花竹却望深於山中有一道士兀兀常閉關朝
看白雲出暮招野鶴還問以煉藥說荅云非所媚笑指
案上壺與爾往此間此間樂無過可以美君顏

夏卉乍凋落秋芳漸榮滋深居忘運徂一花記一時醉
拂松下石偃卧不自支谷風聽一過庭綠遞叅差但覺
香氣來未審何花枝我方栩栩然月出歸未遲

春暈堂詩稿卷四

三

陳襄雲

天錦

太初泰初

招同顧商彝

理胡雲川光

龍集

禾中寓舍時畢崑源星海後至

今夕他鄉會相看盡故鄉陳遵豪自昔願愷老還狂佳
客開樽滿高談卜夜長熟知中酒易堅坐早顏唐
市近從提榼宵深更捲簾月隨盃底盡客向甕邊添雅
誼金蘭洽新穀竹肉兼轟堂判不寐星斗轉高檐

秋日雜咏

秋月

林鳥栖不定素月吐江天空色都依水涼光欲化烟吹
鏡虛牖白橫笛小樓圓良會期三五相思正惘然

秋蟲

籬豆晚萋萋。虫吟花影低。雨階孤韻。澁月。坼萬聲。齊小院。頻歌枕。荒村偶杖藜。金籠多苦調。莫向後宮啼。

秋雨

奮雨人何在。蕭蕭感歲闌。閉門秋思積。倚檻晚光寒。韻逼舊林。細香零桂。蕊殘蘆洲。漁艇活。蓑笠憶江干。

秋水

一片寒塘水。烟波自古今。秋風吹白芷。江上獨愁心。雁陣中流見。漁家落照深。平生湖海興。遲暮此行吟。

秋山

摩天山一碧。過雨洗秋容。深翠樹中樹。澹烟峯外峯。相看長拄頰。獨往忽聞鐘。落日西風起。蕭寥萬壑松。

春星堂詩稿卷四

四

秋砧

涼秋砧響發。淒切動江城。兒女三生怨。關山萬里情。聞中空用力。塞上豈聞聲。我亦無衣客。天涯獨遠征。

秋草

離離蘭澤草。一帶碧痕秋。落葉無人掃。銷魂可自由。烟郊明。馬沙岸。點點羣鷗。回首班荆地。蒼莖動昔愁。

秋雲

碧雲橫不落。清迥極天涯。水面浮光合。樓頭片景斜。迴峰低度雁。隔浦印歸鴉。試看凌霄漢。江天散彩霞。

陳九閔

王垣

招遊永安湖

天賜佳山水。登臨諧夙心。何年成獨徃。此日且相尋。萬

寒烟積千崖。落木深看余幽興。熟先路入雲岑。
霜落寒潭。潔娟娟一鏡開。潛魚驚浪。躍狎鳥傍舟。采拂
几安棋局。停橈覆酒盃。千秋高士會。茲舉亦豪哉。
到面峰巒立。翻身逕路通。酒旗紅樹外。樵斧白雲中。葉
脫烟鬟秀。花明磴戶空。園林看不足。留待醉春風。

舟行雨

忽漫投昏黑。雲濤萬頃寬。空江鳴急雨。小艇犯狂瀾。听
火沿流燦。山風到骨寒。平生仗忠信。今夕過驚湍。

東胡茂栽

問訊高齋菊。秋深正落英。葦門稀過客。樽酒若為情。烟
渚鳧鷗亂。霜郊橘柚明。追遊風物好。愁坐太痴生。

春星草堂詩稿卷四

五

菊籜六咏為胡茂栽賦

勿謂空谷僻。蘭蕙其洵芳。眷彼幽獨姿。朝夕君子堂。羨
人幸未折。自在山中香。

微月出東嶺。人在梅花北。流輝上虛堂。捲幔起寒色。縹
緲蕩吟魂。此夜情何極。

憑欄一流眴。感茲炎節改。齒齒擢素波。潏灑炳幽彩。落
日忽相思。古懽何處在。

蕉林塞屋角。一葉障一天。軒窓淨寒綠。映我鬚眉妍。想
見秋雨夜。瀟瀟人未眠。

借問竹籬下。秋玉幾叢菊。澹澹對夕陽。依依媚幽獨。亮
無白衣來。早晚揜茅屋。

門外何所有一架籬豆花旁人莫相訝知我固農家偶
然值田叟不覺語日斜

懷心公

庭樹無多葉朔風吹不休寥落三冬意蒼涼萬古愁吾
師青山下香界白雲浮縹緲諸天外兮關不可求

奉和蘭陔叔祖歲寒雜感

半百生涯一草廬美人遲暮意何如洛陽寒色侵高卧
彭澤閒情付隱居老去田園春又及歸來霜雪歲頻除
此身肥遯真天佑湖月林風伴著書

雲開九十九烟鬟天賜先生早閉關借問鳴珂趁北關
何如拄笏看西山雪溪有客乘舟至竹迳逢人載酒還
屐履往來殊不惡却愁物望擾清閒

春星堂詩稿卷四

六

寒梅春蝶滿羅浮手植棠陰又幾秋前日出山真小試
何人報國更宏猷紛紛列鼎誇梁肉滾滾高門化土邱
誰似武原清白吏讀書為改本風流

永安湖水決方塘萬壑龍鱗接混茫豈料虎狼入城市
逐愁雀鼠變滄桑眼看地利關千古手挽泉源濟一方
菖葉杏花畊種日知公遺愛滿江鄉

斷冰軒外竹千竿雨雨風風歷歲寒先世卜居曾嘯傲
早年問字久盤桓如何肯梅荒三迳直為忘家困一官
好營菟裘娛老地柳吟花醉共追攀

東流水急西日微寒郊霜落木葉稀已省人間腐鼠嚇

仍慚雲際冥鴻飛，蒼令丹砂訪未晚。遠公白社閒堪依，
丈夫出世豈難事。一鶴一琴無是非，垂老風光百感增。
從教意氣減飛騰，四愁敢問思何在。七發猶言病未能，
斷送浮生憑濁酒。懺除永夜對明鐙，相期杖屨春郊外。
山雪溪梅興共乘。

先祖墓下作

予家素清貧，致積喪不能舉者七棺。伯兄萬里
照獨毅然勉為之。己丑孟冬，合葬高祖妣於本
邑吳家山之麓。越數日復合葬曾祖妣於海寧
之廟灣山。其山之背里濱塢，即海鹽地。今季冬
中旬風雪交厲，復累土於永安湖北之山田厝。

春星堂詩稿卷四

七

先祖及兩祖妣棺旁，伯父母祔合為一穴。固稱
其財者之所為禮也，藏焉已矣。若吾兄者，真不
愧為人孫子矣。連日偕兄視墓事，有作呈兄
獨愧吾兄摯重傷，舊業彫九原。遲往歲四世安，今朝苦
塊前人諒。松雲異代標無窮，魂魄恨萬一。慰空寥
昨夜山中宿，弟兄寒色多。象臺今不見，露冢更如何。
是日懸棺罷，無人執紼過。艱難先世業，窳窳久蹉跎。

先人墓下作

先考先妣兩棺，舊殯於永安湖荆山下。己丑季
冬朔，營祖墳之明日，即於其處封焉。嗚呼，苟且
之罪無面目見先人於地下矣。

夕息魄屢驚晨興魂未安惻惻越村墟靡靡踰林巒伊
塚寔匪它瞻拜涕洟瀾追思少小日罔識哀怨端怙恃
久見背音容想亦難溯昔缺誠信繼今彌憂患西北先
祖塋旁附伯父棺精神或來徃骨肉翻團圍願赴泉下
期一追融洩歡悲風颯長林白日決滄寒徒切萋楚羨
永負蕓莪醅

雪中期友人不至

朔氣感鼻端寒威絞膚粟冒雪啟松闕一色眩遐矚凍
雀作隊飛衰草偃寒綠娟娟籬落下已有往來躅緬思
梁園遊重憶剡溪曲之子期不來目力盡川陸

寄胡茂哉并示馬鍊師

春星草堂詩稿卷四

暮為故鄉主朝猶他鄉客歸程意有悰判袂情無悅之
子肅清脩氣誼流輩百佳期曠屢阻悵望空脈脈征帆
凌江雲轉瞬烟水隔亦知數斯疏無那思彌積他時萬
綠軒春禽鳴格磔寄聲狂道人沽酒梅花夕

除夕

彈指新正換回頭往事賒細看殘燭焰猶是隔年花

永豐庵

峯腰遙見寺谷口近聞鐘一徑灣環上羣山左右逾野
花明水竹春鳥響雲松只在人間世烟霞面面封

登葫蘆山

旭日破雲英天開萬壑晴清光色地轉遠勢入江平仙

梵山中寺人烟海上城今年春及早原野各深耕

即事

春城直上俯岩亭刺眼繁華駭乍經柳外歌臺搖海月
花邊燈舫亂江星牙檣錦纜晨來會檀板金尊夜未停
士女若狂行樂劇降康長願祝盈寧

入山口占

問余何所適手拍古祇林芳草不知處白雲同此心行
隨鹿豕出坐聽松風吟日落萬籟息山中深復深

悼馬煉師

不分通夕狂道士去年朋酒共歡呼養龜煉藥終衰歇
騎鶴排雲竟有無石壇松柏春風冷花洞旌幢夜月孤

春星草堂詩稿卷四

九

愁殺琳宮經過客傷心此日莫生窮

夏庵梅

花氣勾雙屨週垣取路偏孤清依淨土碎白點空烟古
寺無來客深山欲暮天東風莫唐突留待管芳年
陽春何日到幽谷忽如雲知己無如我名山獨見君影
愁歸路遠香愛陽溪聞寥落孤烟外園林又夕曛

小園梅

嘉卉侯梅發開花廢苑旁何人芟枳棘早歲歷冰霜艷
月窺苔迳香雲護草堂吾生無臭味對爾益荒涼

落梅

美人在幽谷芳意欲蹊路為問柴門外春光近若何殘

香飛小院瘦影逐流波蜂蝶無情劇紛紛向別柯

奉懷蘭陔叔祖在石門

勞勞形役今猶昔忽忽風光冬復春朋好百年長濶絕
吾宗一老獨情親緋菴緗李公門樹斷梗飄蓬遠道身
底事奔波拋舊業故園南望總傷神

春曉

幽人清夢四虛室隙光皦喃喃小女兒褰帷話春曉

過永安湖

靄靄晴雲媚曉巒輝輝初日上林端柳烟花霧春如醉
一路聽鷺過永安

心公惠杖

春星草堂詩稿卷四

十

拄杖堅多節分貽自老僧驚心非少壯入手想飛騰窄
徑提携過危峯縹緲登他年婚嫁畢同爾踏峻嶒

哭舅氏錢端叔先生士升

萬古西州路銷魂直到今舅甥情不淺師弟誼兼深風
送靈輶旒塵封總帳琴平生罔極淚振觸益沾襟

悔昔稀追侍傷今絕繫援啼鴛經半羅舅氏家
近半羅拜石剩孤

軒旁居者
拜石軒放誕飛空似風流譽早喧典型虛想像宿草遍

高原

雨後

開門野鷗飛人家在烟渚側聽雨三農植立檐下語怨
茲天公意錯亂奈何許昔旱借今霖豈不救未忝或者

倭炎蒸預為他日貯前後不兩能顛倒只一舉師伯瘦
奔命義和懾彊禦坐令長陰霾六月失徂暑豈復望有
秋宜愁避無所不辨牛馬羣將結魚蝦侶嗟我力作民
曾何罪於汝語罷各東西寒衣入室處

題趙左畫冊

類岸兩三樹澹烟四五峯澄波千萬頃獨釣寒蘆中
屋後突兀兀山屋邊青淺渚阿誰柳陰中隔窓共人語
風定波如殼林廬所曉烟日出衆山影亂隨水閣邊
高巖擁髻鬢古木張旌旆葉脫鳥雀喧歸人板橋外
雲木了無際江城夕照銜水連天一色何處落風帆
山邨鳥獸居高下翠微裡一縷土銜烟時隨白雲起

春星草堂詩稿卷四

十一

畫家取神似寫意不寫形春帆烟雨外知有數峯青
借問舟何之沽酒村西去儂家在江干門前多枯樹
矮屋平岡上流泉碎石間秋光極天淨一髮見青山
輕烟晚望平細雨春愁破淅波芳草中船尾悠揚過
細樹雜於薺亂峰攢若麻人家浮空翠鳥道落殘霞
一簇山下村村烟起松迤曠望青濛濛秋風遙遠磬

送家繼儒叔洙之京

楊柳渡頭春飛花惱殺人送君江北去離思滿烟津孤
矢男兒志晨昏孝子身黃金墓不遠努力及芳辰

堤上逢惺叔心如上人自雲岫還

柳吟花醉兩難攀忽漫相逢古道間綠水青山隨我住

白雲芳草送君還

題朱秋陽詩後

爾去家山汗漫游，登高望遠迥生愁。
夢中弟妹殷勤夜，病裏風花黯澹秋。
痛飲誰遺元亮酒，悲詩應上仲宣樓。
鯉魚經歲無消息，忽捧瓊瑤涕泗流。

昔聞北地多奇客，今爾沉淪氣不磨。
日落燕臺懷郭隗，風生易水弔荆軻。
明時久下賢良詔，壯士猶傳慷慨歌。
賦就長楊頻眺望，蓬瀛咫尺隔嵯峨。

題陳俎行尊人笠泉先生山水長卷

卷首有識子詩

君不見笠泉翁意匠欲奪造化工，縱筆一氣轉四運開。
卷萬里來長風，長風吹帆下鄉縣。水市山莊春一片，柳

春星草堂詩稿卷四

十三

外峯巒遠近分，烟中臺榭高低見。佳哉夏木繁鬱鬱，開
田園若非建德邑，定是桃花源。採桑種豆幽意足，想見
高致超塵煩。牧童歸去烟光薄，新渚荒汀橫畧約。回首
青春減鬱葱，即看朱夏成蕭索。秋意漸深木盡落，萬樹
槎桠帶高閣。黑雲慘澹天模糊，恍惚紙上風雪作。吾觀
翁翁畫，盖有神。下筆直與倪黃親，卷首大書手澤新。自言
薄技不足陳，生平不肯書款識。知翁固非尋常人，有子
讀書兼讀畫。弄筆輒動乃翁嗔，君不見古來好畫手不
以畫鳴。畫乃久品格力爭羲皇前，姓名恥附荆關後。諄
諄遺訓獨深厚，是父是子足不朽。筆墨游戲復何有，再
拜捲圖還我友。願友長佩誠子篇，他時毋徒文藝傳。

野步

稞稻連村遠桑麻趁水灣
秋雲遮不盡寥寥夕陽山

客夜寄家

雁叫汀洲又一方
踈燈自照掩虛房
幾番砧杵驚鄉夢
永夜蛩聲近客牀
幔捲星河天歷歷
庭開竹樹月蒼蒼
羈人此夕能憔悴
為報家中鬢已霜

對床圖為張蘭榭宗本東谷柯兩先生題

親愛得友于聚散
總復佳矧當墮麓
合弗愁參商
乘竹風捎靈牖
蕉雨滴暗堦
何期秉燭對
頓令素抱開
乘蓬昔詎同枕
被今忽偕知
當莞爾喜或更黯
然哀茲夕計一生為歡
有幾哉面目各審視
鬢毛互嘆哀
徬徨夜未艾
轉輾思難裁
桃李開路旁
萍梗逐水涯
豈無邂逅歡疇如骨肉
諧闕茲式好圖惻我獨行懷

題錢惟寅本誠秋山柿葉圖

紛紛蛇蚓競雷鳴
覆靱粘窓漫不驚
極目秋山搖落處
煩君重弔楮先生

書生習氣迥無儔
滿迳丹黃恣意收
寫盡秋風千萬片
一時紙貴為君愁

代友人題照

圈中手字正立又十
年前曾畫射獵照

獨立蒼茫有所思
縱橫豪氣欲何之
收弓為謝諸年少
掣電追風彼一時

登杭州鳳皇山觀潮

徑騰草屨踏岩崒，豁眼真堪極。杳冥天外一痕拖，遠白
烟中萬疊簇。空青沙明，蜃蛤江光碎，風捲魚龍海氣腥。
保障東南功不細，三千強弩想精靈。

贈陳劍南光弼

鷓鴣厲風毛，雄心看寶刀。鳴弓朝射獵，燒燭夜分曹。草
檄文章貴，請纓抱負勞。明時烽火息，橫槊老英豪。

六載官如舍，偏隅夜不驚。鈔詩傳小史，倒屣接儒生。鴻
鵠摩天遠，貔貅戀主誠。遙知峴山石，千古並英名。

雨潤叔連稔將之京詩以留之

動我三長歎，知君七不堪。長安無限客，回首望江南。

旅况寄惺仲叔

春星草堂詩稿卷四

十四

外交洵多睽，內顧良罕諧。自乏矜式資，疇開鄙吝懷。昔
往刈獲未，今來蓋藏皆。風淒悴芳野，霜落雕紫崖。惻惻
閱時物，悠悠疲筋骸。逝波樂同源，倦翮想故儕。如何心
期合，長令踪跡垂。嗟我困淪躓，念君久沉埋。夙昔齒未
壯，志氣孰可偕。舊好既難覩，新愁詎易排。渡河河無梁，
升天天何階。側想追逐年，願言返荆柴。

題望岱圖爲日蓉叔蓮伯作

遠從域內識，嶙峋到眼翻。愁看未真萬壑寒，烟迷匹馬
千崖落木，恐行人天低日，觀星辰近地，入吳門野色，句
梁甫吟成，揮手去側身，東望獨勞神。

悼朱生韻清雲和

消息疑猶誤傳聞駭已真此生成異物無祿慟斯人陰
雨啼鴉夜繁霜落木辰窮途原有淚為爾益沾巾

似爾温如玉同余臭若蘭百年懷抱盡兩載別離難不
謂蘭終萎其如玉不完回思文酒夕底事久盤桓

積善少餘慶能文多教竒天心非刻薄吾道屬艱危別
夢陽闕曲銷魂楚客詞遺書如不墜珍重祐孤兒

生常有
夢中送

別詩云哀柳不堪攀送君岐路
閩嶺南多瘴癘五月度關山

哭汝真無益嗟予恨未平文章師友誼風雨弟兄情今
日腸從斷連宵夢屢驚一哀兼百感牢落慟浮生

題彭愚山德寅聽泉圖

竊歷深山木石秋無朝無暮水泉流君聽一派滔滔響

春星草堂詩稿卷四

十五

送盡風花萬古愁

玲琮百道捲寒烟聽到源頭轉寂然浪說銀河天上落
不知猶是出山泉

十四夜月

仲冬木盡脫肅肅月色乾流輝糝我衣膚粟凜生寒較
往光漸盈度來景未殘曠野何蕭條山河紛鬱盤中天
迥孤照萬象靜而安峩峩西北樓高瞰浮雲端愁者自
多思達者自多歡道里阻且長我寔無羽翰昭質第勿
虧俯仰安所歎

守歲

守歲同慈母榭盤興不賒細君看酒榼稚子問燈花歡

燕當今夕啼號尚萬家團團強健在卜夜樂無涯

春星草堂詩稿卷四終

春星草堂詩稿卷四

十六



